

EPISTOLA
 De
 STOMACHO
 Scripta
 ad
 NOBILISSIMUM & EXPERIENTISSIMUM
 D. N. JOH. GEORGIVM
 SARTORIVM,
 Phil. & Medic. Doctorem, Reverendis-
 simi, Per-Illustris ac Gratosi Capituli Bambergensis
 Physicum Ordinarium & Juratum, S. R. I. Acad.
 Nat. Curiosorum Collegam &c.
 à
 JOH. GEORGIO VOLCKAMERO,
 Medico Reip. Noribergensis.



ALTDORI NORICORVM,
 Typis HENRICI MEYERI, Universitatis Typographi.
 Anno MDC LXXXII.



Nobilissimo & Excellentissimo
DN. JOH. GEORGIO SARTORIO,
Salutem!

Divertiturna hætenus culta vigensq; inter nos
consuetudo adeò nostros coadunavit ani-
mos, ut neuter sine altero, quin uterq; sub-
inde suo cum amico conversari & vivere
gaudeat. Integritatem vitæ Tuæ cum con-
templor, ea magni semper à me habitata-
les apud me egit radices, quas nulla poterit evellere vel
ambitio vel simulatio. Arduum, cui Te mancipas, ho-
noris studium, semitam Tibi sternit ad summum illum
Virtutis verticem, ut & ad artem, in qua plurimùm pol-
les, medicam, insigni porro cum fervore & fœnore ampli-
ficandam, Tibi est incitamentum: Nec enim, Vir Excel-
lentissime, vel Seni addiscere quid dedecorosum est. Lon-
gè absunt à tali ingenio imberbes quipiam & mustei hu-
jus seculi ex prælo opinionum ferventes Medici, qui vix
impetrato à suis Promotoribus dibapho jam se consum-
matus censent artis suæ magistros, adeò, ut si saltem ru-
diorem apud plebem plurimùm loquendo polleant, il-
licò vitæ illius necisq; arbitri fiant. Sed ut Mespila pala-
to non statim arrident, nisi in cellis aliquandiu detenta
austeritatem suam depofuerint: nec insuper falerna illi-
cò fiunt recens è torculari exeuntia musta; dum quod citò
fit, citò quoq; perire soleat: Ita maturo cum judicio licèt
Tuas tractes curationes, nihilominus crebro mecum lite-
rarum commercio instituto, quin & amicâ nonnunquam
ad me factâ excursionē, in conjecturali hâc arte veritatem
penitiùs perscrutari & eruere satagis, ut licèt per tria, &
quod excedit, hætenus lustra ægrotis solerti cum inge-
nio

nio adstiteris, ultiores tamen in praxi medica progres-
sus facere, scientiæq; atq; conscientiæ etiamnum consu-
lere non verearis. O si tecum alii pleriq; similiter essent
animati! quàm possent plurimi pervenire ad Sapientiam,
nisi se jam pervenisse putarent?

Cum itaque coràm mea de ventriculo placita aliquo-
ties intellexisses, illa Tecum ut facerem communia petisti.
En ea ipsa, quæ paradoxorum loco mitto, animi mei
senſa, iisque donec certius quid de illo determinavero,
fruere. Nemini verò mea hæc obtrudo, ac si solus ſape-
re viderer; verùm & ab aliis diverſum quamvis quid à
me ſentientibus doctior inde fieri cupio, quibus ceu æ-
quis cenſoribus me meaq; omnia officioſè ſubmitto.

Γρηγόριος δ' αὖ πολλὰ διδάσκόμενος.

Veteres ſtomachum *κελίαν* nuncuparunt, cavitatem
talem, quæ ineſt veſicæ, quæ utero, quæ colo; ut ſi quid *Stomachus*
ingrediatur, non niſi leviter ab ambiente alteratum calo- *dicitur ca-*
re regredi animadvertas. Urina nihil immutata ex veſica *vitas.*
elabatur; excrementa ex utero, ſive ſit pituita, ſive fluxus
albus, aut aliud quidpiam, incorreſta effluunt: Colon
reddit fæces nihil variatas. Sic haud abſimili ratione ſto-
machus cavitatem ſuam pro inſarctu alimentorum tan-
tùm accommodare videtur, quæ ſi decenti fuerit imple-
ta proportione, ſatietas cibi potuſq; adest; ingeſtio verò
ſi limites exceſſerit ſuos, vel nimium extendet ambitum
ſtomachi, aut ſaſtidium adferet epuloni, aut ad vomitum
gurgitem ſolicitabit. Ergò ſuâ non caret laude medio-
critas, juxta Coum: non ſatiari cibus, potu non repleti &
impigrum eſſe ad labores, ſanitati confert.

Præter eundem, quem cavitare ſuâ præſtat uſum, u. *An faciat*
trum peculiarem ventriculus coctionis actionem ſuſtine- *aliquid ad*
at, etiamnum dubitare licebit. Hæc ſiquidem funſtio in *coctionem.*
ore maſticatum, cumq; ſalivâ miſtum, quem admittit, ci-

bum in formam chymi vel chyli transmutare creditur. A sua omnino forma dependere hanc coquendi facultatem putarim : quæ cum sit calor natus ; substantia autem stomachi membranacea prorsus sit, & exiguum talem in se habeat ; quid præter receptionem & conservationem ille largiri possit contento alimento, vix indagare licebit. Nam ipse opus habet adjutu caloris, quo fovetur, extrinseci, qui mediantibus cæteris ipsis junctis visceribus advenit, ut commodior fiat in stomacho cibi digestio ; nec insuper hinc facit extraneus à deglutito calidioris substantiæ pastu calor, vel calido stomachi innato adfert suppetias, quid ? quod intensior elementaris calor noxam inferat calori innato : Febris siquidem est calidi innati ab externo calore inflammatio. Putas tantum stomacho inesse calorem, foci culinaris instar alimenta percoquentem, qualem Struthiocamelo affingunt æstum, vel etiam gallinarum ventriculis folia Ori eliquantibus, longè aberrabis : Talem enim nec stomachus suppetitat calorem, nec vicina admittunt viscera ; quin in jam enectis animantibus blandus tantum deprehenditur calor ad percoquendas crudas carnes, aut alios nondum subactos cibos haud sufficiens.

An fermentum in se habeat. Vis calori velificari fermentum, quod stomachi indigenam & à natura sua cuivis inesse plurimi statuunt ; Prius hinc ego illius desidero originem primumq; dari mihi principium velim, utrum congenitum in utero illico huic inserviat functioni, cum foetus inibi cibum per os admittere nequeat. Verum enimverò post partum demum id fermentum fortasse stomacho innascetur ? quibus id, ut credam, rationibus confirmetur, adduci, vix potero. Locus verò in stomacho, qui id præparet fermentum, & in quo conservetur, ex qua insuper materia tale formetur, undiq; vacillare videtur. Hoc si esset, unicum

cum purgans, vel quicquid stomacho tumultum parit, illicò id omne exturbaret, cum tot alia in eo contenta ejiciat excrementa, sedemq; fermenti penitus desolaret, ut deinceps post impetuosam præfertim evacuationem nullus rediret appetitus, aut concoctio perficeretur.

Nec insuper justa temporis ratio competenti fermentationis in stomacho moræ ancillabitur; suum enim determinatum concedendum est fermentationi tempus: *An iusto tempore perficiat cibum.* Quis verò stomachus hujus justæ peractæ fermentationis arbiter audiet? ut vel bihorio, aut plus exacto fermentatum exactè cibum illicò per pylorum emitteret in intestina? Quàm celer chyli transitus foret per venas ex intestinis tenuibus lacteas necessarius, & quàm repentina fuctio chylum abducere & in receptaculum Pecquetianum deferre cogeretur? quàm velox inde sequeretur stomachi inanitio, & hanc eandem sicci humidique appetentia? Quid porrò illis contingeret adversi, qui in media fermentatione cibum potumq; assumerent? Anne destruetâ præsentis nova denuò requireretur fermentatio? quod apud gulones & puerulos os subinde quibusvis oblatis obfarcientes usu venire solet.

Adhæc in tantum extollitur fermentationis necessitas, ut sublatâ vel impeditâ tali, nulla ciborum concoctio sequi possit, hinc majorem fermentationem feliciorē efficere concoctionem contendunt. Stante verò hoc, *An ciborum varietas aliquid faciat ad fermentationem.* illi reverâ, qui simplicissimo utuntur cibo, infeliciori præiis premerentur forte, dum ciborum farrago majorem & meliorem excitaret fermentationem: ii verò qui ardore stomachi divexantur, ex hac suborta, post variorum ciborum corruptionem, effervescentiâ, ructus subinde calidos & æstuentes prorsus reddunt, fauces tantum non inflammantes. Hæc scilicet vera est ciborum fermentatio, quæ ob sui impetum in claustris stomachi detineri ne-

quit, sed negato deorsum transitu, quâ data porta, ruit gulamq; infestat. Mereretur fortasse talis in stomacho pro viribus confirmata ciborum præparatio, concoctio & fermentatio easdem, quas olim magni illi naturæ Mystæ Rolfinccius & Bartholinus hepatis decrevere exequias, quia promi vicem condi subire saltem ventriculus videtur, tantum cibi & potionis appetens, quantum pro reficiendo corpore opus est.

*Cur tanta
stomachi
cavitas.*

Cavitatis verò sat insignis in stomacho ea fuit necessitas, ut molem quandam ciborum sufficientem admittere posset, ut insuper ex promptuario hoc ad chylicationem semper suppeteret massa fermentanda, nec continuo comedendi appetitu urgeretur homo. Quævis verò ore assumpta alimenta, sive liquidiora ea sunt, aut sicciora, cruda vel concocta, assa vel elixa, dentibus comminuta atq; salivâ commista per Oesophagum paulatim, bolus post bolum deglutiuntur, ex oesophago per fauces compressas delapsa superius attrahit & avidè excipit famelicum & siticulosum stomachi orificium, illicò sem-

*Vera mas-
se alimen-
taris per-
fectio.*

per post ejus ingressum se claudens. Dum ventriculus antè fuerat flaccidus & ferè compressus, jam secundum assumpti quantitatem se extendit, donec completum illum satietas arguit. Inibi commoratur massa alimentaris, liquidiori innatans substantiæ eò usq; dum se stomachus nervorum superius ejus orificium ambientium auxilio contrahere nititur, & per pylorum, æquè & secundum rectam lineam quasi altum, cremori aliquandiu intra viscera concalescens & ferè digesto, exitum parat. Nec unâ id vice, renitente loci ibidem angustia, peragi potest; sed paulatim bolus iterum post bolum exclusus in fermentum ex bile & succo pancreatico guttatim affluens delabatur in duodenum, quod retrò flexum pyloro adhæret, ne facilis flatibus ex fermentatione istic orta, indeq;

ructi-

ruetibus stomachum infestantibus pateret via. Postea per tenuium intestinorum anfractus quasi tumultuans massa alimentaris chylum vi fermentationis sequestratum venis offert lacteis absorbendum, & ad receptaculum chyli Pecquetianum in lumbis deferendum. Potu-
lenta quæ in fundo stomachi retardat portio paulatim
quoq; ab omento fibris absorbetur, & adhærentibus sibi
visceribus communicatur, indeq; per renes, per urinam,
quod superfluum est, emittitur. His quippe animalibus,
quibus non inest omentum, nec inesse renes nec vesicam
observatum est, quod uberius in Miscell. Nat. Curios. no-
ni anni diducere visum fuit.

Tandem cum ejusdem cum cæteris intestinis substan-
tiæ, licet capacior & in se ipso crassior, sit ventriculus, ut *Ventricu-*
merito caput eorundem nuncupari possit, nil proinde il-
lus est qua-
lum plus iis concoquere, nec quid alterationis, præter
sic caput in-
solam quandam digestionem cibo impertiri posse, æsti-
testinorum.
mare licebit, dum tenuibus, in quibus fermentatio per-
In intesti-
agitur, potius nobilior præparandi chylum facultas de-
nis tenui-
beatur, iisq; solis venæ adhæreant lacteæ, eorundemq;
bus sit fer-
læsis iis longè periculosior existat; & ideò mediam ceu
mentatio.
magè securam inter stomachum & colon occupant re-
gionem.

Immane! quantum infanti crebrò imputetur stoma-
cho, cum vel leviter afficitur externo aëre istius regio, *Viria alio-*
vel ab assumptis inconvenientibus alimentis langvet, il-
rum visce-
licò de coctione ejus tot querimonie habentur, tantaq;
rum stoma-
causarum morbificarum farrago producitur. *cho affin-*
Vitiato *guntur.*
interdum succo pancreatico vel corruptæ biki adscriben-
dæ forent plurimæ Ventriculi affectiones: quid? quod
alterutro horum non ritè disposito plures longè in chy-
losi defraudatâ oriuntur difficultates, nec debita sequitur
fermentatio, nec chyli exoptata à massa malè fermentata
separatio.

Quis

Quis verò talem deinde non ritè præparatum chylum sanguini, ceu τῷ ὀχύματι τῆς τροφῆς, junctum reficendis musculorum fibris idoneum censere, aut aptum corpori nutrimentum præbere posse crediderit. Quot læsâ bile, quot pancreatico vitiatō liquore morborum causæ oriri queant, penitiùs hæcce pensitanti facilè patebunt. Hisce prætervisis tot immerenti sæpius assignantur stomacho errores, tot ille innocens aggravatur culpis, in podagricis, epilepticis, scorbuticis, hydropicis, &c. atq; id genus aliis affectibus, toties frustra ille torquetur fursum deorsumque evacuationibus, ut tandem exhaustis ejus viribus natura ex centro amplius morbum exturbare non valeat, miserq; inde intereat æger. In eorum numero habentur inprimis agyrtæ & alii plures, qui continuis & vehementibus ægros invadunt catharticis, qui ut possunt, variis pollicitationibus ægros miserè deprimunt. Accedit, quod nemini magis, Plinii testimonio, quàm se Medicum profitenti credatur; cùm tamen in nullo mendacio istorum homuncionum periculum sit majus.

Hæc sufficiant: Tu verò Excellentissime Domine, dum folius veritatis gratiâ nihil non subire conaris, porrò summam DEI gloriam ceu curiosus naturæ indagator, rariora ejus mysteria & Academiae nostræ infinita pro viribus commoda promovere contendas. Sic tandem

inclita vivet in æternum Tua fama superstes.

Vale viveq; diu. Dedi in æquinoctio verno
Anni M DC LXXXII.

TVVS

HELIANTHUS.